

Transkription von Stadtbucheintrag BLN 1400a

Ort, Datierung: Berlin, 1400-01-06

Signatur: Landesarchiv Berlin, Stadtbuch, iiii (127r)

Inhalt: Rat der Stadt Berlin: Rentenbrief

Mathis Dorsten hed upp / dessin Rathuse alle Ja[r] thu / syme liue vîr schok g(roschen) / vnd Sweder
von dorsten / Burg(er) thu stettin sal hebben / nach mathis leuende twe schok / g(roschen) von den
vîr schocken des / hebbe(n) sy vns(er) stad briff dy / steit von worde thu worde als hîr nach
gescreue(n) is /

wî Ratmanne old vnd nye der / stad Berlin dy nû sin vnd noch / yn deme Rade thukomde sin
be=/kenne(n) vnd bethuge(n) vor vns / vnd vor vnse nachkomlinge / Jn deme Rade vnd vor allen / dy
dissen bryff sin ader horen / lesen dat wi med eyndrechtig=/gen vulkome(n) berrade hebb(e)n / vorkofft
vnd vorkope(n) mid / krafft dissis briues deme / bescheiden ma(n)ne mathie von / dorsten louwe(n)
sone van dorsten / ein clerik jn stettin vîr schok / g(roschen) Beimsch(er) mu(n)te Jerliker Renthe dy
wi em sullen vnd / wille(n) alle Jar geue(n) van vns(en) / Rathuse thu Berlin dy wile / dat he leiued
vnd nach syme / dode sulle wi vnd will(e)n geue(n) / syme vedde(re)n Sweder von dorsten /
kystemekere burg(er) thu stettyn / twe schok g(roschen) Jerlik(er) Rente der / vorben(o)mde(n)
gr(oschen) dy wile he leüed / uppe dessen ne[chsten] winachten / vnd vort mehr alle iar ¹ up deme /
seluen dage sûnder vortoch vnd / hyndernisse vnd vor desse Rente / vîr schok g(roschen) thu syme liue
alleyne / nach syne(n) dode twe schok g(roschen) thu / sines vedde(re)n liue alleyne hefft / vns mathis
von dorsten wol thu / danke betaled xxxiiii schok g(roschen) / p(re)gischer mu(n)te dy wi ¹ hebbe(n) up
ge=/bored vnd hebben dy Jn vnser / stad Berlin nû vnd fromen / gekeret vnd gebracht , der xxxiiij /
schok g(roschen) late wi em ledich vnd / los med orkunde des keginwor=/digin briues des thu orkunde
/ vnd thu bekentnisse hebbe wi / vns(er) stad Berlin groste Jng(esegel) an / dessin bryff gehangen nach
gots / gebord virteinhundert Jar an / der heiligen dryer koni(n)ge dage / thu Berlin (et cetera) /

¹ eingefügt